

ሶፖሊያሴ ማፃአፖ ዓይያ ካር

ያኑሲ ማሊያ ከኤዛ ሶፖሊያሴ ያኑሲኮ ከኢቶ ከኤዜህ ኪሪሰቶሴ ሾይነታንዳሂኮ ቤርታ ላንካሳ ጃኤቶ ሌዎኮ ሄካሂዳ ማዓዛ፣ ዬና ዎዳ ካኣቲ ዒዮሲያሴ ኪሪሰቶሴ ሾይነታንዳሂኮ ቤርታ ላሆ ጃኤታና ላማታሚ ፔታሳ ሌዎይዳ ያኑሲና ዎላ ጫኣቆና ጫኣቆሞ ዓካሳንዳሂኮ ታጰ ለዔኮ ቤርታ ማዑሞ ዓታዓኬ። ማፃአፔላ ያኑሲ ማሊያ ከኤዛ ሃንጎ ዓሳ ከኤዜ ያኑሲ ማሊያና ዎላ ካኣማያኬ፤ ዬይ ማሊያ፡- ዪሁዳ ዓሳ ሜሌ ፃንጎ ማዔ ያኑዞሞ ዘገህረ ሜታ ሄላ ዎድና ባይሲነታና ኩድና ዔያቶ ሄላንዳያ ማዔህ ከኤዛያኬ፤ ዬያጉዲ ናንገና ናንጋ ጎዳ ዬኖ ዎድና ሜሌ ዳርይዳኣ ሜቶ ዓጋንዳያ ማዔህ ከኤዛኬ። ዬሩሳላሜ ሻሂንቲ ደዔቲያ ገንሣ ካታሜላ ቤርታ ዓኣ ጎይያ ማዓንዳኬ፤ ኮዦ ዓሶንታ ጂሎ ማዳ ዳራኣ ዒኢካ ናንጋንዳኬ።

ማፃአፔላ ዲማ ዲማ ዓርቆ ባኮ

- ዪሁዳ ዳርይዳ ዎገንታንዳ ዎገ (1:1-18)
- ጎሜ ቡኡዲህሂ ዛላ (2:1-3)
- ዒሰራዔኤሌኮ ዓሺኖ ማዔ ዓጫ ዎገንታንዳ ዎገ (2:4-15)
- ዪሁዳንታ ሜሌ ዓሶንታኮ ናንገና ናንጋ ጎዳ ባንህ ማዒያ (3:1-20)

1 ሶፖሊያሴ ኩሺ ናይ ማዓዛ ኩሺ ጌዳሊያ ናይ፣ ጌዳሊያ ዓማሪያ ናይ፣ ዓማሪያ ካኣቲ ሂዚቁያሴ ናይኬ፤ ዓሞኔ ናኣዚ፣ ዒዮሲያሴ ዪሁዳ ዓጮይዳ ካኣታዲ ዓኣ ዎድና ናንገና ናንጋ ጎዳ ሶፖሊያሴሞ ከኤዜ ማሊያ ሃካፓ ዴማ ዓኣ ጎይያጉዲኬ።

ናንገና ናንጋ ጎዳኮ ዎጎ ከሎ

2 ናንገና ናንጋ ጎዳ ሂዚ ጋዓኬ፡- «ቢያ ባኣዚ ታኣኒ ሳዓፓ ጋፒሲ ባይዛንዳኬ፤ 3 ዓሶንታ ቆልሞንታ ካፖንታ ባዞ ሞላህንታ ታኣኒ ባይዛንዳኬ፤ ፑርቶ ዓሶኮ ታኣኒ ቤሲ ባይዛንዳኬ፤ ዓሲ ዜርህሂ ሳይይገፓ ቢያ ታኣኒ ኩርሳንዳኬ፤ ዬያ ጌዔህ ታና፣ ናንገና ናንጋ ጎዳኬ።

1:1 1:1 2ካኣቶ. ማ 22:1—23:30፤ 2ያኑሲ. ዓሃኬ 34:1—35:27።

4 «ዬሩሳላሜን ቤሁዳ ዳርንታይዳ ቢያ ታኣኒ ሜቶ ዓጋንዳኔ፤ ዩንሢ ቤዘይዳ ባዓኣሌ ጌይንታ ሜሌ ያኦዘኮ ዓቲ ካኣሽከንታንዳ ባኣዚንታ ዬያ ሜሌ ያኦዘሞ ማዳ ቄኤሶንታ ታኣኒ ጋፒሲ ባይዛንዳኔ።

5 ዔያታ ፔ ማኣሮኮ ቶኦካ ኬሰኪ ዓቦንታ ዓገሮንታ ዠኦጋሢንታም ዚጋ ቤዘ ታኣኒ ባይዛንዳኔ፤ ዔያታ ታና ካኣሽኪ ካኣሽኪ ታ ሱንያናኣ ጫኣቃታዎ ሚልኮሚ ጌይንታ ሜሌ ያኦዘ ሱንያና ጫኣቃዘንሢ ጋፒሲ ታኣኒ ባይዛንዳኔ። 6 ታ ኮራፓ ሃኪ፡ ታ ገንዖ ዓኣዲዎ ሃሼዘንሢንታ ታ ባንሢ ሙኪ ታ ዔያቶ ማኣራንዳጉዲ ታና ያኦጪ ባኣዘንሢ ታኣኒ ጋፒሲ ባይዛንዳኔ።»

7 ናንገና ናንጋ ጎዳኮ ዎጎ ኬላ ዑኬሢሮ ናንገና ናንጋ ጎዳ ማዔ ያኦዘሢ ቤርታ ዚቲ ጎዑዎቲ፤ ዒዚ ፔኤኮ ዳር ዒንጎ ባኣዚ ማሃ ሹኮ ቆልሞጉዲ ዓኣሢ ዒንጋኒ ገኢገንቲዳኬ፤ ዩሁዳ ቡራንዳ ሞርኮዎ ዒዚ ዲማሲ ገኢገሼኔ። 8 ናንገና ናንጋ ጎዳ ሂዚ ጋዓኔ፡- «ታኣኮ ዳር ታኣኒ ዓኣሢ ዒንጋ ኬሎና ካኣቶ ናኣቶንታ ሱኡጎንታ፤ ዬያጉዲ ሃሃ ፃንጎ ዓሳ ናንጋ ናንጎ ጎይዖ ናንጋዘንሢዳ ቢያ ታኣኒ ሜቶ ዓጋንዳኔ።

9 ዬኖ ኬሎና ሜሌ ዳር ካኣሽካ ዳሞቦ ጎይዖጉዲ ዔያቶኮ ጌኤዠ ማኣሮ ጋሮ ዔንደይዳ ኮኣሚ ኮኣሚ ካኣሽካ ዓቦንታ ዔያቶኮ ጎዳሢ ማኣሮ ፑርቱሞና፤ ገንሃ ሃሃ ጌሺ ጌሺ ዔኮና ሜሆና ኩንሃ ዓሶይዳ ሜቶ ታኣኒ ዓጋንዳኔ።»

10 ናንገና ናንጋ ጎዳሢ ሂዚ ጋዓኔ፡- «ዬኖ ኬሎና ዬሩሳላሜ ካታሞኮ ሞላሢ ካሮ ጌይንታ ባንዖና ዒላቲ ዋይዘንታንዳኔ፤ ዓሳ ቡካ ዓኮ ጸኦኮይዳ ቃያ ዋይዘንታንዳኔ፤ ጌሚሮ ባንዖና ዲቃሢ ፑርታ ሃይሴ ዋይዘንታንዳኔ። 11 ዒንሢ ካታሞኮ ደኦሎ ባንዖይዳ ናንጋ ዓሳ ቢያ ዒንሢኮ ኮርሞ ኮርማ ዓሳ ባይቃንዳሢሮ ቢሮ ዓንጎና ኮርማ ዓሳ ቢያ ኩዳንዳሢሮ ዬያ ዑኡዘ ዒንሢ ዋይዘ ዎደና <ዎኦ! ዎኦ!> ጌይ ዬኤኮዎቲ።

12 «ዬኖ ኬሎና ፖዒ ታኣኒ ዓርቂ ዬሩሳላሜ ካታሞ ሃንቲ ዘጋንዳኔ፤ ያቶርቂ ናንጎ ናንገና ዓታላይዳ ሞጫዲ ዓቲ ዎይኔ ዑሺጉዲ ማዒ ዓኣዘንሢንታ <ናንገና ናንጋ ጎዳ ኮሺ ማዔቲያ ፑርታ ባኣዚ ማዲሞሴ> ጋዓዘንሢዳ ሜቶ ታኣኒ ዓጋንዳኔ። 13 ቆላ ዔያቶኮ ቡራንታንዳኔ፤ ማኣራኣ ዔያቶኮ ሻሂንታንዳኔ፤ ዒማና ማኣሪ ዔያታ ማዠንዳኔ፤ ጋዓንቲ ዔያታ ናንጋዓኬ፤ ዎይኔ ዔያታ ቱካንዳኔ፤ ዬያ ዎይኖኮ ዑዠ ዔያታ ዑሽካዓኬ።»

1:4 1:4 ዒሲ. 14:29-31፤ ዒር. 47:1-7፤ ሂዚ. 25:15-17፤ ዒዪ. 3:4-8፤ ዓዎ. 1:6-8፤ ዛካ. 9:5-7። 1:9 1:9 1ሳሙ. 5:5።

14 ናንጊና ናንጋ ጎዳኮ ጴኤፖ ከላ ዑኩኔ፤ ሙኪፃአ ሩኡሪ ሩኡሪከ፤ ዬና ከላ ኮሺ ዒቢቻ ከሊከ፤ ዬና ከሎ ዋይዚንታንዳ ዑኡዛ ፑርታከ፤ ያሎ ያላ ዔርቱ ዓሢያ ካራ ባይቂ ዒላታንዳ።

15 ዬና ከላ ዳጋ ከሊ፣ ሜቶና ዋኦና ከሊ፣ ባይሲንታ ከሊ፣ ዲሚና ቃኦና ካንቂንቱ ከሊ፣ ቫኦና ቫኔ ዲሚ ዲሜ ከሊ ማዓንዳ፤ 16 ዬና ከሎና ከኤሎ ዲያና ዲርቆና ካታሞና ዳጌ ከኤሎ ዲያ ዑፃ ያልዚ ዛዬና ሄርሺንቲ ዑኡሲና ዋይዚንታንዳ።

17 ናንጊና ናንጋ ጎዳ ሂዚ ጋዓ።- «ጎሜ ዔያታ ማዳሚሮ፤ ሃሣ ታኦኒ ዓይሢባኦ ባኦዚያ ዔያታ ማዲ ዳቢንቱሢሮ ዓኦፒ ባይቂ ዓሲጉዲ ዲቂንታንዳያ ሄላንዳኦና ጴጌፒ ሜቶ ዔያቶይዳ ታኦኒ ዔኪ ዬዓንዳ፤ ዔያቶኮ ሱጉፃ ዋኦሢጉዲ ሸኦታንዳ፤ ሌዛኦ ዔያቶሲ ቡኡራጉዲ ቢያ ቤሰካ ከኤሪንታንዳ።»

18 ናንጊና ናንጋ ጎዳ ፔኤኮ ዳጎ ፔጋሲ ዔርዛ ዬና ከሎና ዓሶኮ ቢሮንታ ዋርቆንታ ዔያቶ ዓውሳኒ ዳንዳዒንዳዋሴ፤ ዒዛኮ ታሞጉዴ ዳጎና ዓጫ ቢያ ሙይንቲ ባይቃንዳ፤ ዬይ ያዲ ማዓንዳሢ ሳዓይዳ ናንጋ ዓሲ ቢያ ዔርቲባኦንቱ ኩዳንዳሢሮከ።

2

ጎሜ ቡኡፃንዳጉዲ ዔኤሎና ዔኤሊሢ

1 ዒንሢ ቦርሲንቲባኦ ዴራ ዑኩና ናንጊና ናንጋ ጎዳ ባንሢ ማዑዋቲ፤ 2 ጌይንቱ ከላ ሄሉዋንቱ፣ ናንጊና ናንጋ ጎዳ ከላ ዲልባጉዲ ዒንሢ ፒፂ ዔኪ ዴንዳዋንቱ፣ ናንጊና ናንጋ ጎዳኮ ጴኤፖ ዳጋ ዒንሢዳ ዬዑዋንቱ፣ ናንጊና ናንጋ ጎዳ ባንሢ ማዑዋቲ።

3 ዒዛኮ ዓይሢያ ማዲ ኩንሣዞንሢና ሳዔሎይዳ ናንጋ ዒንሢ ሹሌዔ ማዔ ዓሳ ዒዛ ባንሢ ማዑዋቲ፤ ሂሉሞ ማዲ ማዲዋቲ፤ ሹሌዑሞና ዒንሢ ሄርኪዲዋቲ፤ ዬያይዲያና ናንጊና ናንጋ ጎዳኮ ዳጋ ፔጋዲ ዔርታኦና ጎያንቱ ሜታሢዳፓ ዒንሢ ቶላንዳያ ናንዳ።

ሜሌ ዴሮይዳ ዋጊንቱ ዋጌ

4 ጋኦዛ ጌይንታ ካታማ ዓሲ ናንጉዋ ዳውሌ ማዓንዳ፤ ዬያጉዲ ዓሰቁሎናኦ ጉሪ ሳዓ ማዓንዳ፤ ዓሽዶኦዴይዳ ናንጋ ዓሳ ዓቢ ዲኡሲና ናንጋ ቤዛፓ ዳውሲንታንዳ፤ ዓቃሮኦኔ ካታሞ ዓሳኦ ካታማፓ ዳውሲንቲ ከሰካንዳ። 5 ዒንሢ፣ ጴኤፖ ባዞ ዓጮይዳ ናንጋ ከሪታ ዓሳ፤ ጌይፃ፡- ፒሊሰፃኤሜ ዓሳ ዒንሢና ባይዔቲ! ናንጊና ናንጋ ጎዳ ዋጌ ዋጋ ዒንሢ ሄሌ፤ ፒሊሰፃኤሜ ዓጪ ማዔ፣ ካኦና ኔና ባይዔ! ፔቱ ዓሲታዎ ኔ ጊዳ ናንጉዋጉዲ ማሃ ታ ኔና ባይዛንዳ። 6 ዒንሢኮ ጴኤፖ ባዞ ዓጮይዳ ዓኦ ሳዓ ባይ ሄንቃ

ቤሲ፣ ቆልሞ ሄንቃ ናኦታ ናንጋ ቤሲና ቆልማ ዋርቂ ናንጋ ሞኦሢ ቤሲ ማዓንዳኔ።⁷ ናንገና ናንጋ ጎዳ ማዕፄ ዔያቶኮ ጾኦዛሢ ዔያቶ ካፓሢሮና ዔያቶኮ ዲዒንቲ ዔውቲ ባኮሞ ዔያቶሞ ማሃንዳሢሮ ማራቶ ዔያታ ፔኤኮ ሄንቃንዳጉዲ ዴኤፖ ባዘ ዓጫ ዓኣ ሳዓ ዪሁዳፓ ፒኢጫዲ ዓቲ ዓሶም ቤሲ ማዓንዳኔ፤ ዲባኖ ዲባኖ ዔያታ ዓሰቁሎናይዳ ዓኣ ኬኤፃ ዋርቃንዳኔ።

8 ቢያ ባኮ ዋይሢ ጎዳ ማዕፄ ጾኦዛሢ ሂዚ ጋዓኔ፡- «ታኣኮ ዴሮ ሄሌ ሞዓኣቤ ዓሶኮ ቶኦቲፆና ዓሞኦኔ ዴሮኮሞ ጫኮ ታኣኒ ዋይዜኔ፤ ዔያታ ዋማይዲ ቶኦቲፎ ዔያቶኮ ዴኖ ዔካኒ ዋያይዲ ዔያታ ዚርቁቲያ ታኣኒ ዔሬኔ።⁹ ታኣኒ ዲሰራዔኤሌ ጾኦዛሢ ማዕፄ ቢያ ባኮ ዋይሢ ጎዳሢ ናንገና ናንጋያ ማዕፄ ጎይፆና ሞዓኣቤ ዓጮ ዓዳ ሶድኦሜጉዲ፤ ገንሣ ሃሣ ዓሞኦኔ ዓጮሞ ጋሞኦራጉዲ ታኣኒ ማሃንዳኔ፤ ዓጮላ ካይዚ ኬሴያ፣ ሃሣ ሶኦኔ ቦኦኪ ዔኮ ቤሲ ማዕፄ ጉሪ ዓታንዳኔ፤ ሃይባፓ ዓቲ ታኣኮ ዴራ ዔያቶ ቡራንዳኔ፣ ቆሎሞ ዔያቶኮ ዔካንዳኔ።»

10 ሞዓኣቤና ዓሞኦኔና ዴራ ቢያ ባኮ ዋይሢ ጎዳኮ ዴሮ ቶኦቲ፣ ዚርቁ ዚርቁፆሮ ዬይ ሜታ ዔያቶይዳ ዓገንታሢ ዔያቶኮ ጾቶርሙሞርኬ።¹¹ ዔያቶኮ ዓጮይዳ ዓኣ ሉኡዚ ማዕፄ ጾኦዛሢ ቢያ ባይዜሢሮ ናንገና ናንጋ ጎዳ ዔያቶ ዲጊቻያ ማዓንዳኔ፤ ዴኤፖ ባዘ ኮይሎና ዋኦፃ ሳዘ ዓጮናይዳ ናንጋ ካኦታ ቢያ ዓኣ ቤዘይዳ ዓኦፃ ዬያ ጾኦዛሢም ዚጋንዳኔ።

12 ዲንሢ፣ ዲቶጲዮ ዓሳ ታኣኮ ጩንቾ ዓራፖና ሃይቃንዳኔ።

13 ናንገና ናንጋ ጎዳ ፔኤኮ ዋልቆና ዓጮኮ ኬዶ ባንፃ ዓኣ ዓሶኦሬ ዓጮ ባይዛንዳኔ፤ ኔኔቄ ካታሞ ጎሪ ማሃ፣ ዓሲ ናንጉሞ ዳውሌጉዲያኣ ማሃ ሜልዛንዳኔ።¹⁴ ካዮ ቦፆ ዉዳ ዲኢካ ናንጋንዳኔ፤ ዳማ ዳማ ኩኩቲያ ዲዘኮ ሹጮና ኬልቂ ማኮናሢዳ ናንጋንዳኔ፤ ማኣርኮ ፑልቶ ካሮና ዬይ ባካ ጾኦላንዳኔ፤ ሊባኖኦሴፓ ዔኮና ሚፆና ኮሺንቲ ኬኤፆኮ ጋራ ሜቃንዳሢሮ ዓንዴ ማሊሲ ኮሾና ባካ ፑርቲ ጋፓንዳኔ።¹⁵ «ታጊዳፓ ዓታዛ ሜሌ ባኣሴ» ጌይ ጾቶርቂሢና ፔና ፔኤሮ ዋዛሲ ናንጋ ካታሜላ ዋይቲ ካዮ ቦዓ ናንጋ ጉሪ ቤሲ ማዕፄ፤ ዲዘ ባንፆና ዓኣዳ ዓሳ ቢያ ኩጮና ዲዘ ኬኤላሲ ኬኤላሲ ቦሃ ዓማላንዳኔ።

2:8 2:8 ዓ.ሲ. 15:1—16:14፤ 25:10-12፤ ዓ.ር. 48:1—49:6፤ ሂዚ. 21:28-32፤ 25:1-11፤ ዓሞ. 1:13-15። 2:9 2:9 ማኸ. ማፃ 19:24። 2:12 2:12 ዓ.ሲ. 18:1-7። 2:15 2:15 ዓ.ሲ. 10:5-34፤ 14:24-27፤ ናሆ. 1:1—3:19።

3

ዩሩሳሌም ካፒ ባኦ ባኦ

1 ጎሜ ማዲሂና ዴሮ ፔኤኮ ሄርቂ ዋይሥሂና ዲኢቲያ ማዲ ዋይዞ ዲዳ ዩሩሳሌም ካፓሜሎም ባዴዴ! 2 ዲዛ ያኦማኦ ዋይዙባሴ፤ ዘሪ ዲዛ ጎሮ ጎሮዋ ዲዛ ዔኩባሴ፤ ናንገና ናንገ ጎዳኦ ዲዛ ጉሙርቁባሴ፤ ፔኤኮ ያኦዛሂ ባንሂያ ዲዛ ዑኩባሴ። 3 ሱኡጋ ዲዛኮ ጉዳ ዘቢ ጉዲኬ፤ ዋጎ ዋጋ ዓሳኦ ዚራኦሮ ዓይሱዋዎ ዴንቁ ባኮ ቢያ ሙዲ ጋፒሳያ ናይዲንቲ፤ ዋንታኦ ያኦኮኬ። 4 ያኦሲ ማሊያ ኬኤዛዘንሂያ ያቶርሙዎና ታንጋርጨያና ጌኔ ማሊሂያኦ ኩሚያኬ፤ ቁኤሳ ያኦሲም ዲማዴ ቤዞ ዲዲኢሳያኬ፤ ዋጎማኦ ዔያታ ዋይዚ ዲያያኬ። 5 ናንገና ናንገ ያሎ ጎዳሂ ዲኢካ ናንጋኔ፤ ዲዚ ዳቢንቲባሴ፤ ዲዚ ቢያ ኬሊ ፒዜ ዋጌ ዋጋኔ፤ ጉቶ ጉቶዋ ዬያ ማዲያ ሃሹባሴ፤ ፑርታ ማዲ ዴራ ጋዓንቲ ቦርሲንቲዋያኬ።

6 ናንገና ናንገ ጎዳ ሂዚ ጋዓኔ፡- «ሜሌ ዴሮ ካኦቶ ታኦኒ ባይዜኔ፤ ዔያቶኮ ዋርዲዮ ቤዞታ ታኦኒ ሻሂኔ፤ ዔያቶኮ ጎይያና ያኦኒያ ዓኦዲዋጉዲ ታ ሴሚሴኔ፤ ካታዋ ታ ዔያቶኮ ያኦኒያ ናንጉዋያ፤ ጉሪ ቤሲ ማሂኔ። 7 ታኦኒ ዬያ ቢያ ማዴሂሮ፤ ታ ዴራ ታና ቦንቻንዳኔ፤ ታኦኮ ዘሪ ጎሮ ጎሮዋ ዔካንዳኔ፤ ዔያቶ ሄሌ ዘሪ ጎሮና ጎሪዋ ዔያታ ዋላዓኬ ታኦኒ ጌዔኔ፤ ታኦኮ ዴራ ጋዓንቲ ሃቺም ፑርቲኔ፤ ፔኤኮ ፑርቶ ማዴናኦ ዲኢቲኔ።»

8 ናንገና ናንገ ጎዳ ሂዚ ጋዓኔ፡- «ዳካሮ ጊቢ ዳንዳዑዋቲ፤ ታኦኒ ዔያቶ ዑፃ ዋጋንዳ ዋዴ ዬዓንዳኔ፤ ሜሌ ዴሮንታ ካኦቶንታ ቡኪሲ ታኦኮ ዴኤፖ ዳጎ ታ ዔያቶ ዑፃ ኬይሳንዳኔ፤ ታኦኮ ዬያ ዳጎ ዋልቃዲያፓ ዔቁያና ሳዓ ሙይንቲ ባይቃንዳኔ።

9 «ዬና ዋድና ሜሌ ዴሮ ፒዜ ጌኤሲ ታኦኒ ጌሰቲሳንዳኔ፤ ዬያ ታኦኒ ማዳንዳሂ ቢያ ዓሲ ታና፤ ናንገና ናንገ ጎዳኮ ሱንዎ ዓኤላንዳጉዲና ፔቲምና ታኦም ማዳንዳጉዲኬ። 10 ዜሪንቲ ዴንዲ ናንጋ፤ ታና ካኦሽካ ዴራ ዲቶጲያ ዋርኮ ሱካፓ ታኦም ዲንጎንዳ ባኦዚ ዔኪ ሙካንዳኔ። 11 ያቶርቃ ዓሶና ሄርሺንታ ዓሶ ታ ዲንሂ ባኦካፓ ሺኢሻንዳሂሮ ታኦም ዲንሂ ዓይሂንቶ ዲዳ ዳቤ ዳቢንቶሮ ዬና ዋድና ዲንሂ ቦርሲንታዓኬ፤ ሃካፓ ሴካ ታኦም ዲማዴ ዳኮይዳ ዴይ ዲንሂ ያቶርቃዓኬ። 12 ዲንሂ ባኦካፓ ፔና ሂርኪዲ ሺሌዔዘንሂ ታኦኒ ዓይሳንዳኔ፤ ዔያታ ታና ጉሙርቁ፤ ታ ማኦደዋ ኮዓያ ማዓንዳኔ። 13 ዲዲንታፓ ዓቲ ዲሰራዔኤሌ ዴራ ዓይጎ ዓሲ ዑሰካኦ ፑርታ ባኦዚ ማዳዓኬ፤ ሉኡዙዋዋ ሉኡቃዓኬ፤ ዔያታ ፔ

ዳንሳና ጌሺያ ጌሻዓኬ፤ ዬያሮ ዔያታ ሙኡዚ ሙዒ ኮሺና ሃውሺ
ናንጋንዳኔ፤ ዔያቶ ዒጊቻንዳ ባአዚያአ ባአሴ።»

ዎዛ ዓይኑዎ

- 14 ዓየኔ ናዔሌ! ዓይናዴ!
 ዒሰራዔኤሌ ዳሬዮቴ!
 ዓይናዴዎቴ! ዒላሹዎቴ!
 ዬሩሳላሜ ዳሬዮቴ!
 ጉቤ ዒናፓ ዎዛደዎቴ።
- 15 ናንጊና ናንጋ ጎዳ ዒንሢዳ ዓጋኒ ማሌ
 ፑርቶ ሜታሢ ሺኢሹኔ፤
 ሞርኮዎ ዒንሢኮ ዒ ባይዜኔ፤
 ዒሰራዔኤሌ ዓሶኮ ካአታሢ፥ ናንጊና ናንጋ ጎዳ
 ዒንሢ ባአኮይዳኬ፤
 ሃካፓ ሴካ ባይሲንታ ኑና ሄላንዳኔ ጌይ ዒንሢ ዒጊጫዓኬ።
- 16 ዬኖ ዎደና ዬሩሳላሜ ዛሎ ሂዚ ጌይንታንዳኔ፡-
 «ዓየኔ ካታሜሌ! ዒጊጪፖ!
 ኩጫ ኔኤኮ ደጮፓ!
 ናንጊና ናንጋ ጎዳ ማዔ ኔ ጾኦዛሢ ኔኤና ዎላኬ፤
 ዒዚ ፔ ዎልቆና ኔና ባሺሳንዳኔ፤
 ናንጊና ናንጋ ጎዳ ኔኤኒ ዎዛሳያ ማዓንዳኔ፤
 ፔ ናሹሞና ኔና ዒ ዓካሳንዳኔ፤
 ዴራ ቦንቾ ኬለና ዓይኑሞና ዎዛዳሢጉዲ
 ዒዛአ ኔኤኒ ዎዛሳያ ማዓንዳኔ።»
- 18 ናንጊና ናንጋ ጎዳ ሂዚ ጋዓኔ፡-
 «ቦንቾ ኬለና ዎዛደንታ ዎዛጉዲ ታ ኔና ዎዛሳንዳኔ፤
 ሃካፓ ሴካ ፔቴታዎ ኔ ቦርሲንታዓኬ።
- 19 ኔና ሄርቂ ዎይሃዘንሢዳ ቢያ ዬኖ ዎደና ሜቶ ታኣኒ ዓጋንዳኔ፤
 ኔኤኮ ዎቦ ዓሶ ቢያ ታኣኒ ዓውሳንዳኔ፤
 ዲማዲ ዣኦሌዘንሢያ ማሂ ታ ቡኩሳንዳኔ፤
 ዔያታ ቦርሲንታንዳጉዲ ማዶና ቤዘይዳ ቢያ
 ቦርሲንቶ ዔያቶኮ ጋላታና ቦንቾና ማሂ ታኣኒ ላአማንዳኔ።»
- 20 ናንጊና ናንጋ ጎዳ ሂዚ ጋዓኔ፡-
 «ዬኖ ዎደና ታ ዒንሢ ቡኩሲ ጊንሣ ዒንሢ ዓጮ ማሃንዳኔ፤
 ዒንሢ ዒንሢ ዓአፖና ዘጋንቴ ታ ዒንሢኮ ዲዒንቴ ዔኮና ባኮ
 ማሃኣና
 ሳዖይዳ ዓአ ሜሌ ዴሮ ቢያሢ ባአካ

3:13 3:13 የሃ. ጾፔዳ 14:5።

ዒንሢ ለንቲቴያና ዔርቴያ ማዒዳኔ።»

ጌሌዥ ማግኔግ
**The Holy Bible in the Maale language of Ethiopia,
using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማግኔግ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929